

那文毅公奏議

那文毅公兩廣總督奏議卷十一目錄

卷十一

緝捕會匪

告示附

勦撫洋盜

告示附

那文毅公兩廣總督奏議卷十一

男
容安恭輯

緝捕會匪告示附

嘉慶十年二月二十一日

奏爲龍門縣會匪糾衆搶劫立即殲擒撲滅地方無事
現飭提省嚴辦事竊照粵東廣惠兩府交界一帶
山海交錯之區民俗最爲蠻梗每有不法匪徒糾
衆結會易滋事端臣抵任後正在認真訪察嚴飭
查辦間茲據龍門縣知縣師保元署增城營叅將
寶興稟報該縣匪徒關亞璵與長寧縣匪徒陳傳

殊

俊糾衆拜會幾及千人於本年正月二十一日在縣屬墟地派朱崗圍等處滋擾村莊竟敢直逼城外東北廂搶掠當有署守備胡佐朝帶領兵役奮力攻擊殲斃抗拒匪犯二百餘名生擒關亞璫等六十餘名餘匪四散逃匿附近村墟又被各鄉村民人零星殺死四五百人並獲小鐵礮六門旗幟十餘件續據署長寧縣知縣李榮稟報在於從化縣屬之魯箕寮地方將要犯陳傳俊並匪黨二十餘名一併拏獲各等情以該犯等膽敢糾衆多人製備礮械居然劫掠實屬目無法紀隨派卸篆

廣州府知府福明永寧通判王衷及因公在省之
四會縣知縣楊時行並委候補都司唐文才協力
查拏審辦去後茲據該府福明等稟稱督同該縣
師保元提犯研鞫並懸賞購線緝獲匪犯劉阿達
等十名通判王衷知縣楊時行帶同委員李凌翰
分路前往墟地派朱崗圍等處查勘搶劫情形陸
續捕獲匪犯廖亞貴邱孔才等十二名又據候補
都司唐文才獲解匪犯伍亞太等四名隨提集先
後所獲人犯研訊大概供情緣關亞璵籍隸龍門
與長寧縣匪徒陳傳俊卽監生陳國蕃素相熟識

本年正月十五日關亞璵前往陳傳俊家閒談共
道貧苦該犯起意糾夥結拜兄弟乘機搶劫得贓
分用陳傳俊應允遂分投糾集夥黨關兆惠等四
十餘人於是月十八日在長寧縣屬河崗地方結
拜不序年齒共推關亞璵爲大哥陳傳俊爲二大
哥其餘依齒序立拜盟關亞璵以拜會人少復起
意諭令各人自行糾夥關兆惠等隨各自分糾十
餘人不等約定二十二日會齊搶劫旋經長寧縣
訪聞查拏各犯持械竄入龍門縣境內沿途搶掠
圍裹樵牧人等逼脅幫挑器械在於墟地派朱崗

園地方肆行搶劫旋被官兵鄉民人等擊殺擒獲
屢訊不諱其格斃各匪犯據該縣師保元帶同現
獲各犯前往指認指出有名匪黨潘定如等八十
一名其餘輾轉糾約被各鄉殺死者無從指出姓
名屍身四五百具經縣掩埋等情現仍飭令嚴緝
零星餘犯以絕根株俟提到現犯來省確審實另
摺

奏辦外所有擒殲會匪究辦情形先行具奏

硃聖鑒再此次拏獲會匪查明候補守備胡佐朝最爲出力
龍門縣知縣師保元署增城營叅將寶興於所轄

地方匪徒糾結滋擾不能先事覺察本有應得之咎第念該匪甫經起事地方文武立即協力斬獲多名兼獲渠魁匪黨立時撲滅不使蔓延辦理尙爲迅速可否仰懇

皇上逾格

恩施免其處分量加鼓勵俾官常互相激勸實於通省捕務有裨謹

奏

謹案嘉慶十年三月初九日廷寄內奉

上諭殲擒龍門縣會匪關亞璉一案計百齡現亦將次到

粵著該督會同提省迅行確訊奏聞至署守備胡佐朝如何出力之處著卽查明據實保奏如實有分外奮勉勞績卽破格超擢朕亦不靳恩施其知縣師保元叅將寶興於所轄地方匪徒糾結不能先事覺察本有應得之咎今能協獲多名功過適足相抵仍著那彥成秉公訪察如該二員實在擒捕出力尙覺功浮於過亦卽著實奏聞朕尙酌加獎勵也

嘉慶十年五月十六日會同廣東巡撫百公齡

奏爲拏獲糾衆結會搶劫拒捕傷斃鄉勇之會匪審明分別定擬恭摺奏

聞事竊照廣東龍門縣匪徒關亞璫與長寧縣匪徒陳傳
俊糾衆拜會搶劫村莊被官兵勇役村民人等立
卽殲擒撲滅生擒渠魁關亞璫陳傳俊等一百餘
名地方無事先經臣那彥成恭

奏明提省審辦嗣欽奉

諭旨殲獲龍門會匪關亞璫等一案計百齡現亦將次到
粵著該督會同提省速行確訊奏聞欽此臣復經分別
飭查去後嗣據各該處文武將匪犯關亞璫陳傳
俊等共一百三十名先後押解赴省併聲明案犯
黃二興朱裕高徐亞池劉亞奇四名在龍門縣病

故劉阿達闕亞得廖惻答三名在中途病故又查明徐逢潰等二十四名已聞拏畏罪自盡續又據報邱孔才等五十三名先後在監病故茲據按察使秦瀛會同布政使廣厚督同廣州府知府福明等將現犯審擬招解前來臣等隨提犯督同親加研鞫緣闕亞殫籍隸龍門與長寧縣匪徒陳傳俊卽捐職陳國蕃素相熟識嘉慶十年正月十五日闕亞殫赴陳傳俊家閒坐闕亞殫起意商同糾夥結拜添弟會乘機搶劫村莊得贓分用陳傳俊應允闕亞殫隨糾得已獲之闕兆惠周亞三廖亞潰

潘五妹黃亞端姚亞二葉四娘已獲病故之石亞
二石二潰邱庭周李林保劉阿答黃二興朱裕高
受傷身死之潘定如余文泳未獲之鍾良王亞月
張三羅立開陳生楊老八劉彬賢二十三人陳傳
俊亦糾得已獲之譚李妹黃石金闕上富鄧亞殯
鄧亞細葉亞二譚翰祥闕陳保朱亞健已獲病故
之譚元芳邱孔才邱孔祿受傷身死之徐亞英張
亞火闕智仁闕載千未獲之李大中十七人連闕
亞殯陳傳俊共四十二人各出銅錢二百文交闕
亞殯買備牲醴等物於正月十八日在長寧縣屬

河崗地方結拜不序年齒共推關亞璵爲大哥陳傳俊爲二大哥其餘依次序列關亞璵將會匪歌訣開口不離本舉手不離三傳授衆人一同結拜畢歃血飲酒並無盟書會簿關亞璵以人少不能搶劫復令分投糾夥再拜總會陳傳俊隨糾同已獲該犯之子陳閣吉卽陳應吉入會關兆惠轉糾得已獲之羅四已獲病故之葉亞保徐亞灶邱亞庚徐筋仔受傷身死之王全水劉亞泰劉會堂朱如高徐亞水聞拏自盡之徐逢潰徐巨深徐水養徐香潰未獲之龔錦奉余雲籠劉籠章劉石雞仔

共十八人周亞三轉糾得已獲之葉二妹朱亞二
已獲病故之劉亞勝刁亞四受傷身死之徐水勝
徐亞保徐錫洪徐亞寧徐緝熙徐呂中未獲之曾
亞二共十一人石亞二轉糾得已獲病故之關亞
複劉亞興陳呈保徐亞池劉亞奇受傷身死之徐
水潰徐亞芳徐得勝徐煥標徐得修聞拏自盡之
徐亞宇徐連保徐亞興徐亞相未獲之劉大頭龐
劉亞策卽劉狗仔容共十六人廖亞潰轉糾得已
獲之廖亞雲劉亞廣曾亞力受傷身死之徐昌萃
徐亞科徐四朋謝有恭徐成潤徐海澤聞拏自盡

之徐亞昌徐玉書徐閨超徐茂興未獲之陳榮俊
張其寵余亞複周泳茂黃錦茂共十八人石二貴
轉糾得受傷身死之徐亞活徐亞淋徐潤保謝亞
深徐容潰徐亞得聞拏自盡之徐水姐徐景文徐
麗文未獲之廖亞文劉亞廣朱羅嬌劉亞得共十
三人邱庭周轉糾得已獲之潘石惠駱火生陳南
生李木水已獲病故之李亞元關亞得受傷身死
之徐亞文徐亞徒徐亞道謝亞複徐亞淋聞拏自
盡之徐和得劉則釗未獲之劉九容劉五緝共十
五人潘五叔轉糾得已獲之陳亞石葉亞興已獲

病故之關翰雲廖亞敬葉亞四受傷身死之徐亞
阜廖亞諾徐亞和徐銳洪聞拏自盡之劉亞第未
獲之葉亞得葉亞山共十二人黃亞端轉糾得已
獲病故之邛棕應未獲之邛棕權黃亞庚張亞火
徐景芳共五人姚亞二轉糾得已獲之劉悅潰劉
亞得五木石已獲病故之徐亞第受傷身死之徐
亞進徐亞友徐木潰徐四養徐亞羣徐亞林徐四
鳴徐亞複聞拏自盡之劉啓分劉林興未獲之萬
亞石萬亞二廖三仔共十七人劉阿達轉糾得已
獲之伍亞太石聯沾石亞天已獲病故之鄭亞籠

李耀城受傷身死之徐亞初徐亞安徐木火徐名
居徐宴懷徐亞勝徐松德聞拏自盡之劉超羣劉
亞廖劉亞昌劉亞賓共十六人李林保轉糾得已
獲之廖亞二徐亞景已獲病故之徐三才徐建章
劉三受傷身死之徐鳴德徐金復徐四保徐遠楊
徐懋光徐寬德徐容德徐鉅誠未獲之薛長勝萬
火土廖亞細廖復勝共十七人葉四娘轉糾得已
獲病故之黃亞受受傷身死之徐奉潰廖亞南伍
亞鍋未獲之羅亞玉耶棕權共六人譚李妹轉糾
得已獲之譚潮標受傷身死之徐亞有萬水石劉

亞生徐曰宏廖蒼培徐布升未獲之陳亞長馬亞才共九人黃石金轉糾得已獲病故之廖惻達受傷身死之劉輔章劉亞元劉亞寵劉閏徐亞漬未獲之黃平漢黃金奉劉叮燈敬揚猪肚共十人關上富轉糾得已獲之潘觀火已獲病故之陳四妹廖潮畛未獲之葉錫揚黃金生共五人鄧亞孺轉糾得已獲之陳承才陳亞志徐亞雙陳亞潮已獲病故之陳三林陳光太陳添維陳興才鄧亞六未獲之潘定隴共十人鄧亞細轉糾得已獲之劉亞三曾二賴觀養黃水木已獲病故之陳士傳潘贊

畧賴四妹黎三伍容第未獲之徐扁嘴共十人葉
亞二轉糾得已獲之黃亞鍊徐三複莫名傑張水
木已獲病故之黃亞羅未獲之石二奉共六人譚
翰祥轉糾得已獲之陳亞保陳開一黃泳業徐黃
潰萬亞潮諸必允黃芳林黃光厚已獲病故之萬
受一黃進升未獲之劉維公仔共十一人譚元芳
轉糾得已獲之黃璧畛張亞籠廖襍羣廖金水萬
亞弟張亞細張致城廖石保已獲病故之萬海干
黃奕祥未獲之葉紅鷄仔共十一人耶孔才轉糾
得已獲之廖從志徐亞舉已獲病故之萬創鳴受

傷身死之徐亞賢徐煥鳴徐新潰未獲之邛亞虔
邛亞三共八人邛孔祿轉糾得已獲病故之黃棘
嬌徐奇仔受傷身死之劉亞爵劉順德未獲之朱
必運羅亞務共六人關陳保轉糾得已獲病故之
劉虔業徐斗受傷身死之劉亞六劉山炳劉達
得劉瑞英劉輔鼎未獲之李亞二楊火養共九人
朱亞捷轉糾得未獲之李亞羊李三狗潘逢茂馮
水養共四人潘定如余文泳鍾良王亞月張三羅
立開陳生楊老八劉彬賢徐亞英張亞火關智仁
關載千李大中亦各糾得不識姓名三四十人並

不識姓名夥黨又各轉糾得二三十人不等黃二
興朱裕高未經轉糾共夥九百餘人每人出錢一
百零八文交潘定如余文泳鍾良王亞月劉彬賢
製買旂幟器械潘定如將伊家前在荒山掘得小
鐵礮六門取出劉炳賢豫備火藥定於正月二十
二日會齊結拜乘機搶劫旋經長寧縣訪聞查拏
各犯不及拜會卽於二十一日各持礮械竄入龍
門縣境內其餘筋仔朱亞二刁亞四劉悅潰劉亞
得徐亞弟伍木石石聯沾鄭亞籠石亞弄李耀城
徐亞景劉三黃亞受廖潮畛陳承才陳三林陳亞

志陳光太陳添維陳興才鄧亞六徐亞雙陳亞潮
陳士傳潘贊畧曾二賴觀養賴四妹黎三黃水木
伍容弟黃亞羅黃亞籐徐三複莫名傑張水木陳
亞保陳開一黃泳業徐三潰萬受一萬亞潮諸必
允黃進升黃芳林黃光厚黃璧畛張亞籠廖襍羣
廖金水萬海千萬亞弟張亞細張致城黃奕祥廖
石保等五十七名不及知會未經同往關亞璵陳
傳俊率同各犯沿途滋擾圍裹在山坡樵牧之業
火土卽葉蛇皮廖能深劉亞生刁亞經徐景鳴巫
亞長石筋仔葉旋潰廖橫辦保九人逼脅幫挑器

械在墟地派朱崗圍地方搶劫劉殿昌劉得仁劉
禮唐等各家銀錢衣物直至龍門縣城外東北廂
地方正在劫掠各舖戶同鄉勇等齊出喊拏各犯
拒捕關亞盡傷斃鄉勇區亞得一人陳傳俊傷斃
鄉勇李亞林一人鍾良傷斃鄉勇廖近祖一人王
亞月傷斃鄉勇譚能智一人朱亞捷傷斃鄉勇區
亞奉一人關兆惠周亞三石亞二廖亞漬石二漬
邱庭周譚李妹黃石金關上富鄧亞盡亦拒傷鄉
勇林才等十人該縣師保元會營督帶兵役趕至
查拏關亞盡陳傳俊率衆抗拒兵役鎗斃齊發傷

斃潘定如等二百餘名將闖亞璫等六十餘名立
時拏獲並獲礮械旂幟餘犯四散奔逃又經各附
近村民同時格殺賊匪四五百名並獲回所劫銀
錢衣物續據長寧龍門從化等縣先後獲解陳傳
俊劉阿達等到省審辦由該府司審解復經臣等
再三研詰各犯堅供實係關亞璫起意糾黨結拜
搶劫並無盟書會簿及另有夥黨亦無謀爲不法
情事屢鞫不移案無遁飾查律載凡謀反大逆但
共謀者不分首從皆凌遲處死財產入官又例載
比照反逆定罪之案正犯照律辦理其家屬一概

免其緣坐又不法匪徒潛謀糾結復與添弟曾名目搶劫拒捕者首犯與曾經糾人希圖搶劫之犯俱擬斬立決又洋盜案內被脅服役之犯如被拏獲者杖一百徒三年又名例載斷罪無正條援引比附定擬各等語本案闖亞盡起意糾黨幾及千人結拜添弟曾搶劫村莊拒斃鄉勇區亞得等五命並傷多人復率衆抗拒官兵卽與大逆無異陳傳俊首先聽從糾夥搶劫亦率衆抗拒殺斃人命厥罪惟均除罪應斬決病故之劉阿達黃二與朱裕高徐亞池劉亞奇關亞得廖幘達七名及解省

取供病故罪應斬決之石亞二石二清耶庭周李
林保譚元芳耶孔才耶孔祿葉立保徐亞灶耶亞
庚劉亞勝關亞複劉亞興陳呈保李亞元關翰雲
廖亞敬葉亞四耶棕應徐三才徐建章陳四妹萬
創鳴黃棘嬌徐奇仔劉虔業徐才受等二十七名
罪應擬遣之徐勣仔才亞四徐亞弟鄭亞籠李耀
城劉三黃亞受廖潮珍陳三林陳光太陳添維陳
興才鄧亞六陳士傳潘贊略卽化育賴四妹黎三
伍容弟黃亞羅萬受一黃進升萬海千黃奕祥二
十三名罪應擬徒之廖能深才亞經巫亞長三名

及受傷身死之潘定如余文泳徐亞英張亞火關
智仁關載千王金水劉亞秦劉會堂朱如高徐亞
水徐水勝徐亞保徐錫洪徐亞寧徐緝熙徐呂中
徐水潰徐亞芳徐得勝徐煥標徐得修徐昌萃徐
亞科徐四朋謝有恭徐成潤徐海澤徐亞活徐亞
淋徐閨保謝亞深徐容潰徐亞得徐亞文徐亞從
徐亞通謝亞複徐亞琳徐亞阜廖亞諾徐亞和徐
銳洪徐亞進徐亞友徐木潰徐四養徐亞羣徐亞
林徐四鳴徐亞複徐亞初徐亞安徐木火徐名居
徐宴懷徐亞勝徐松德徐鳴德徐金複徐四保徐

達揚徐懋光徐寬德徐容德徐鉅誠徐牽漬廖亞
南伍亞鍋徐亞有萬水石劉亞生徐曰宏廖蒼培
徐布升劉輔章劉亞元劉亞籠劉閏徐亞漬徐亞
賢徐煥鳴徐新漬劉亞爵劉順德劉亞六劉山炳
劉達得劉瑞英劉輔鼎九十名及聞肇自盡之徐
逢漬徐巨深徐水養徐香漬徐亞宇徐連保徐亞
興徐亞相徐亞昌徐玉書徐閏超徐茂興徐水姐
徐景文徐龐文徐和德劉則釗劉亞弟劉啟分劉
林興劉超羣劉亞廖劉亞昌劉亞賓二十四名不
議外關亞盡陳傳俊卽陳國蕃均請比照謀反大

逆但共謀者不分首從皆凌遲處死律皆凌遲處
死陳閨吉卽陳應吉關兆惠周亞三廖亞潰潘五
妹黃亞端姚亞二葉四娘譚李妹黃石金關上富
鄧亞儘鄧亞細葉亞二譚翰祥關陳保朱亞捷羅
四葉二妹廖亞雲劉亞廣曾亞力潘石惠駱火生
陳南生李木水陳亞石葉亞興伍亞太廖亞二譚
潮標潘觀火劉亞三廖從志徐亞舉三十五犯聽
從入會搶劫或轉糾夥黨或拒捕殺傷鄉勇均合
依不法匪徒潛謀糾結復興添弟會名目搶劫拒
捕首犯與曾經糾人希圖搶劫之犯俱擬斬立決

例俱擬斬立決以上三十七犯情罪重大未便稍
稽顯戮審明後臣等卽恭請

王命飭委按察使秦瀛督標中軍副將劉惟馨將關亞儘
等三十七犯綁赴市曹分別凌遲斬決關亞儘陳
傳俊朱亞捷各拒斃鄉勇一人關兆惠周亞三廖
亞潰譚李妹黃石金關上富鄧亞儘拒傷鄉勇林
才等十人應與拒傷鄉勇病故之石亞二石二潰
邱庭周一併戮屍梟示以昭炯戒朱亞二劉悅潰
劉亞得伍木石石聯沾石亞矣徐亞景陳承才陳
亞志徐亞雙卽徐亞三陳亞潮曾二賴觀養黃水

木黃亞籙徐三複莫名傑張水木陳亞保陳開一
黃泳業徐黃潰萬亞潮諸必允黃芳林黃光厚黃
璧珍張亞籠廖襍羣廖金水萬亞弟張亞細張致
城廖石保三十四犯訊止聽從糾約尙未拜會亦
未轉糾夥黨及隨同搶劫拒捕均應於關兆惠等
斬罪上量減一等杖一百流三千里仍比照叛案
干連流犯例分解黑龍江吉林並伊犁等處安插
管束照例刺字葉火土卽葉蛇皮劉亞生徐景鳴
石勒仔葉旋潰廖橫辦保六犯訊係被脅隨行逼
挑器械並無入會搶劫情事應比照洋盜案內被

脅服役之犯如被拏獲者杖一百徒三年例杖一
百徒三年至配所各折責四十板各犯父兄牌頭
保甲飭行原籍查拘照例分別發落革役旗幟火
藥據供係潘定如余文泳鍾良王亞月劉彬賢製
備鐵礮係潘定如在荒山掘獲潘定如余文泳已
受傷身死鍾良王亞月劉彬賢在逃未獲無憑跟
究來歷現在嚴飭查緝獲日另行究結礮械等物
分別留營備用銷毀劉殿昌等被劫銀錢衣物俱
經各自獲回毋庸議追闖亞璫陳傳俊財產飭行
各原籍查封入官該二犯係比照反逆定罪家屬

例免緣坐陳傳俊卽陳國蕃揭職執照飭縣追繳
送銷受傷身死之鄉勇區亞得等五名併受傷鄉
勇林才等十名飭縣查明分別恤賞醫調各屍棺
飭屬領埋監斃人犯管獄各職名查取另送謹

奏奉

硃批刑部核議具奏

謹按嘉慶十年五月十六日奏內

奏署守備胡佐朝於匪犯直逼城外關廂立時帶領兵
役轟擊殲擒守禦得力查該弁本係候補守備現
署守備相應請

旨賞給都司銜以示鼓勵永寧通判王衷廟子角司巡檢
姚培欽幫同獲犯多名亦應請

旨賞給議敘其署廣州府知府英吉龍門縣知縣師保元
長寧縣知縣李榮署增城營叅將寶興於所屬匪
徒滋事不能先事覺察本有應得之咎祇因辦理
尚爲迅速仰懇

皇上天恩免其處分謹
奏

謹按嘉慶十年六月初十日廷寄內奉

上諭據那彥成等另摺奏審辦龍門會匪關亞璵等一案

署守備胡佐朝於匪犯直逼城外關廂時守禦出力著
加恩賞給都司銜其通判王衷巡檢姚培欽獲犯多名
著加恩交部議敘以示鼓勵至署廣州府知府英吉知
縣師保元等據那彥成百齡奏稱伊等辦理此案尙爲
迅速懇求免其處分等語此案關亞璵等糾黨幾及千
人一同拜會自非一日之事該府縣等平日所司何事
其不能稽查之咎本當照例懲處姑念此次辦理尙爲
迅速加恩寬免若再因循泄泄有失察此等匪徒糾會
之處必當從嚴叅辦不能再爲寬宥矣

嘉慶十年五月十六日會同粵海關監督延公豐

奏欽奉

上諭據倭什布延豐奏上年澳門幫同捕盜夷船著那彥成延豐卽諭知夷人等以伊等船隻不能得力令其速行駕駛回澳嗣後勿得再用夷船幫同捕盜欽此

臣那彥成檢查案卷上年夷船捕盜

臣

延豐以體制攸

關且不能得力於上年十月咨明倭什布嗣後停止夷船出洋捕盜當經轉飭夷目遵照在案茲荷

聖明指示仰見

睿慮周詳臣等曷勝欽服除飛飭藩臬兩司暨澳門委員等欽遵

諭旨卽令該二夷船駕駛回澳嗣後永遠停止出洋捕盜
以示懷柔而昭體制一面飭知沿海文武員弁並
咨明鄰省督臣撫臣一體轉飭挨查務得該二船
實在下落再行復奏謹

奏奉

硃批知道了

嘉慶十年五月二十日會同廣東巡撫百公齡

奏爲拏獲結會圖搶匪犯審明分別辦理事竊據署廣
東欽州知州朱依敬稟報訪得州屬地方有匪徒
拜會滋事隨即會營查拏並關移隣封營縣一體

堵緝先後拏獲匪犯黃添相曾洪然等十八名等
情旋據廣西上思州稟報會營拏獲本案首夥葉
鳳軒等九名并獲木戳印布各物訊據供認本在
欽州地方糾黨拜會並與黃添相等搶劫鍾姓牛
隻等情因一案而分兩省犯供或不實不盡輒
轉行查轉多遲滯飭據廣西省亦將拏獲各犯解
併廣東省歸案辦理前來飭司并發委員審辦去
後據報案犯梁友仁等十一名取供後先後病故
并據委員廣州府知府福明等將現犯審明由按
察使秦瀛審擬招解前來臣等隨提犯督同司道

親加研鞫緣葉鳳軒卽葉老四籍隸歸善該犯至
欽州那勒墟遇素識之東莞縣民王連盛邀其同
住隨有未獲之鄭疑發卽純猷梁大有曾老四走
至共設貧苦葉鳳軒起意糾人結拜添弟會搶劫
村墟得賊分用王連盛等應允遂各分投糾約葉
鳳軒糾得已獲之黃萬金卽黃金升等五人王連
盛糾得未獲之李老二等六人鄭疑發糾得未獲
之曹老六等五人卽純猷糾得已獲之黃亞大卽
黃口振等二人梁大有轉糾得未獲之周亞科等
五人曾老四糾得未獲之王隆皆等三人每人出

銅錢二百文交葉鳳軒買備香燭白布等物王連盛因鄭疑發詣曉刻字令其鐫刻順天行道長木戳一個又編造彪彪彪三字刻尖戳三個於五月十三日共黨三十二人一同赴王連盛家結拜不序年齒共推葉鳳軒爲大哥王連盛等依齒序列葉鳳軒分結各犯白布一塊印蓋上順天行道同彪彪彪木戳爲記并傳給開口不離本舉手不離三暗號歃血飲酒各散王連盛又陸續糾得已獲病故之黃添相等十八人連前合夥共五十人於六月十五日又在王連盛家結拜共推王連盛爲

大哥王連盛因拜會人少囑令各人分投糾添夥
黨另拜總會各散嗣黃添相糾得已獲之黃維榮
及已獲病故之王世鳴等四人未獲之阮亞得等
共十一人林元秀糾得已獲之曾洪然等三人及
已獲病故之朱景雲等二人宋景雲轉糾得已獲
之黃正潰卽黃亞奉等二人及已獲病故之鄭亞
受未獲之蘇幅山等五人曾洪然轉糾得已獲之
陸景潮及已獲病故之詹亞四二人繆武經轉糾
得已獲之蘇幅漢未獲之蔣老二等四人蘇世立
鄭凝發卽純猷梁大有曾老四各糾得不識姓名

一二人不等約共六十餘人於七月初一日同在那晚村外僻處結拜總會共推王連盛爲總會首拜後各散旋經欽州訪聞會營拏獲究出黃添相於是年六月二十八日聽從葉鳳軒起意夥同鄭凝發等十一人搶奪欽州礮基地方鍾姓牧草大小水牛十二隻賣得番銀一百二十六元均分維時葉鳳軒等逃至廣西上思州地方經該州兵役連戮記印布拏獲究出黃萬金等聽從王連盛起意夥同耶純猷等十五人共二十五人搶劫欽州那棉村韋國泰家銅錢十四千文番銀二十六元

衣物五件將衣物賣得銅錢八百文同劫得銀錢
均分黃萬金又聽從王連盛起意夥同陽江八等
八人搶劫欽州甯橫村黃加六家銅錢七千二百
文衣服十件將衣服賣錢均分等情再三研鞠各
供前情如繪究無盟書會簿及謀爲不法別情未
戳所刻順天行道四字係要順天良行公道不存
反心彪彪彪三字彪字係取會中書信往來迅速
彪彪二字係取和合之意此外亦無另犯案夥究
詰不移案無遁飾查例載不法匪徒潛謀糾結復
興添弟會名目搶劫拒捕者首犯與曾經糾人及

情願入夥希圖搶劫之犯俱擬斬立決等語本案
葉鳳軒卽葉老四起意糾黨結拜添弟會黃萬金
卽黃金升梁友仁聽從入會隨同搶劫應與曾經
轉糾之黃添相等五犯均合依不法匪徒潛謀糾
結復興添弟會名目搶劫拒捕者首犯與曾經糾
人及情願入夥希圖搶劫之犯俱擬斬立決該犯
等情罪重大未便稍稽顯誅臣等審明後當卽恭
請

王命飭委按察使秦瀛督標中軍副將劉惟馨將葉鳳軒
卽葉老四等四名綁赴市曹斬決訖並將病故之

梁友仁等二名戮屍一併傳首犯事地方梟示以
昭炯戒李從新等十八犯俱係聽從結拜並未轉
糾夥黨亦未隨同搶劫均應於葉鳳軒等斬罪上
減一等杖一百流三千里比照叛案干連流犯分
解黑龍江伊犁等處安插管束照例刺字王世鳴
等六犯於取供後病故均毋庸議黃亞三誑係李
從新在西省誣扳應卽省釋犯屬人等飭行各原
籍查拘照例發落所獲木戳印布卽行銷燬買贓
之人據供不識姓名同未獲印布據供去棄無憑
提訊查起各犯在外搶劫滋事原籍牌頭甲保無

從查察均毋庸議逸犯王連盛等嚴飭勒緝務獲
另結被劫各案有無事主稟報是否諱匿及拏獲
隣省會匪職名俟查明分別照例辦理謹

奏奉

硃批刑部速議具奏

告示附

示爲切諭民客痛改拜會惡習以全生命事照得
我

國家

聖聖相承深仁厚澤亘古未有殊方絕域莫不共臻淳風
廣東地方士安絃誦民習耕漁風俗本爲敦樸緣
其介居島夷利兼山海五方之人裸處營易僑寓
孤單客民懼土豪之欺凌苦差胥之滋擾交結夥
伴共相幫助漸次訟棍爛熈均入其中倡爲添弟
會名色以爲夥黨旣多可以不畏強禦而土著之

民懼外民黨羽日衆亦復煽引有田廬之人結會
相抗到官則互作詞証在鄉則分棚毆鬪山陬海
澨到處皆然竟成不可解之惡習查土客所結之
會並非若白蓮聞香清香天主各教左道惑衆圖
謀不軌其情本爲可原但地方設有官府原以扶
弱除強良民被人欺壓可以告官申理州縣或有
袒庇上司衙門甚多決無縱容豪惡之理何得糾
結黨衆自陷刑章查

朝廷於拜會一事法令極其森嚴特以爾民旣然結會
則會中不法棍徒作奸犯科生出事端必至株連

爾民又或伊輩闖禍脫逃爾民代其坐監受刑若至別有行劫拒捕大罪則爾民雖未同行而爲其夥黨一樣性命難活家產難保爾民鄉愚無知但說拜會有益詎識後來如許累害

朝廷一片哀矜之意定出森嚴法律以爲懲之於有罪之後不如禁之於未犯之前可以多爲保全無如從前地方官從不留心教導以致爾民誤入迷途又或於起初犯法之人未能嚴行懲辦以至相習成風釀成事端不得已用兵剿除如從前博羅永安各案數千賊犯一鼓成擒纍纍受戮事變旣成

決難爲亂民曲宥詎不可憐可憫合行剴切曉諭
爲此通諭士客民人知悉爾等安守本分各勤生
業卽爲

盛世良民何苦聽奸人愚弄自尋死路試思前數十年
廣東並未有會百姓如何安居樂業如今相習拜
會何以盜賊日多兵革時用可知此事有害無益
我

朝兵威強盛遇有奸民滋事無不登時撲滅博羅永安
之案係本部堂手辦之事爲時不遠爾等諒皆目
擊耳聞也本部堂現在揀兵選將日夜操練聞有

風聲卽飛騎兜剿玉石俱焚各屬鄉黨中年老者
民讀書士子明理知事之人務必互相勸戒將結
拜利害與愚民講說洞晰已入會者卽行解散未
入會者不可聽從查有勾結爲首奸民執迷不悟
紳耆自縛送到官免至地方受累或卽在會之人
自知悔罪具呈稟首不特不治以罪尤當從重加
賞倘有從前在會現已改過自新兵役人等藉端
嚇詐者一經訪聞或被告發卽治以罪爾等務體
本部堂苦口婆心猛自省悟勉爲善良倘再執迷
兵威所加後悔無及切切毋違特示

勦撫洋盜 告示附

嘉慶九年十一月二十三日軍機大臣字寄奉

上諭現在有人呈告廣東省洋匪放肆由於會匪勾引漁船接濟上年十一月內連劫遂溪海康兩縣村莊四處今年四月內又劫遂溪縣一處擄男掠女村民盡受其害等語並據呈出洋匪逆詞一紙實爲可惡匪黨勾結爲奸擾害商旅甚至登岸肆劫業經屢次諭令該督撫設立章程認真緝捕今據呈稱遂溪海康兩縣年來疊被劫掠自係必有之事且呈出逆詞內公然敢書偽號並有僞官僞印其謀爲不軌情形已可概見雖逆詞所

稱祇係恐嚇鄉愚之詞然不及早查辦設該匪勾脅日多肆行無忌或致鄉愚等漸亦畏避其鋒辦理轉行費手因思倭什布年已漸老海疆重任恐不足恃那彥成年富力强前年勦辦粵東博羅永安會匪一事諸凡妥協於該省地方情形亦尙明晰現已降旨將那彥成調授兩廣總督卽令馳驛前赴新任那彥成到粵後當督飭文武整頓地方修飭武備一切妥爲經理以副委任而尤以緝捕洋匪會匪爲要務卽如逆詞內所稱僞號自必有一謀逆爲首之人其所稱寧海副將軍金玉侯者亦必實有其人瀕海地方當必亦有風聞且該匪等

勾通登岸內地亦必有引線窩匪處所那彥成務須不
動聲色密行訪查虛衷諮詢博採輿論俟得有確實踪
跡再行派委明幹可靠之文武員弁設法偵緝務獲兇
渠切不可稍有宣露轉致透漏風聲所有洋匪逆詞一
紙著發給那彥成閱看該匪既膽敢張貼僞示自必不
止此一紙該省員弁豈無耳目倭什布孫玉庭身任督
撫亦必有所見聞何以從未奏明查辦著那彥成密查
如倭什布孫玉庭竟茫然不知此事則是形同木偶若
曾見逆詞並不據實陳奏更屬有心隱匿那彥成卽當
分別叅奏勿稍瞻徇

謹按嘉慶九年十二月十八日奏內

奏爲洋盜會匪情形

臣細繹疊奉

聖明指示並合之

臣所見所聞情事節節緊要

洞中機宜瞭如指掌目今之計總以捕洋盜安會匪爲急
捕洋盜必須厚集兵糧廣備船隻乃有時備之而
盜未必卽至不備又不能保其不來此等機宜臨
時方能斟酌然總須有備無虞於沿海州縣嚴密
巡防先令絕之使不能登岸最爲緊要海疆遼濶
以臣耳目心思豈能處處周到是在地方文武備
理得宜臣再廣搜捕務期辦理盡善而所委辦

之人果能貫心任事將臣等商酌之法實力奉行並能將臣等所未見到之處亦能隨時經理方爲妥善誠能得人上下文武齊心併力必可一氣辦成海疆日就清謐惟粵東地方民有餘力而文武吏治驕貴疲玩積習亦不能免客民當甫經懲創之後雖不敢妄動而土民又從而百計激之利其謀叛可以憑仗官兵之勢肆其殺掠可得貲財充當鄉勇亦可得有賞賜地方平定之後又可冒佔叛產入已輕生重利性近搖苗不知進退此等情事早蒙

聖明洞鑒會明降

諭旨並令張挂明示曉以祇論謀逆不謀逆並不論拜會與不拜會仰見

燭照幾先二年以前業已

預料及此目今無論其是否會匪既爲洋盜又爲之勾通接濟其罪固不容少逭而土民奸訐刁告假公快私之弊亦斷不可長此中輕重之機均須倍加斟酌至粵東械鬪之風極爲可慮然亦賴有此事彼此兩不相下互相爲制是以不能成事卽偶如博永之案其鄉勇之出力更甚官兵亦不難卽時竣

事以上各情節謹據臣所知如此恐厪

聖念先此奏

聞惟事機移步換形此時或又有不同容俟臣到後再爲

留心體察應如何辦理之處虛心商酌再爲具陳

謹

奏

嘉慶十年正月二十四日軍機大臣字寄奉

上諭近聞廣東洋匪較多一由於營伍廢弛一由於經費不敷營伍所以廢弛之故皆因兵丁等多與洋匪聲氣相通每遇出洋巡緝該兵丁等不但不能出力並與洋

殊

匪相通消息致令遠颺且於本管督撫提鎮各官漸不知畏懼文員雖亟欲設法擒捕竟至無計可施武官因所帶兵丁與洋匪潛相勾結呼應不靈卽欲督捕亦非一人所能勦辦是以動形掣肘洋匪乘間劫掠肆行無忌今朕特調那彥成百齡馳赴粵東大加整飭綏靖海疆接任後自能設法辦理但須熟察情形妥爲籌度切以得人爲要不可過於急切轉致激成事端卽如武隆阿富汗素稱帶兵勇往是以調赴粵東然亦必須所帶兵丁同心戮力方可掃蕩賊氛若兵丁俱觀望退縮該鎮等又豈能勦捕得手並著那彥成等轉飭武隆阿富汗嚴密查察

設法整頓不可輕率冒昧該省水陸各營兵額不下數萬若謂盡與洋匪交通亦斷無其事該督等當持以鎮靜將通省營伍留心整頓仍隨時察看機宜不動聲色妥爲辦理

嘉慶十年二月二十一日

奏爲查明通省情形籌酌大概章程先行奏

聞事竊查粵東吏習因循營伍廢弛以致陸地搶劫頻仍

洋面盜匪充斥屢次接奉

諭旨合之現在情形厯厯如繪仰見

聖明洞鑒瞭如指掌

臣

不勝欽佩之至

臣

任事以來接見

文武大小官員虛心採訪知現在粵東洋面盜賊猖肆如烏石二吳十一指鄭一朱潰等著名最大之賊近據探聞烏石二附和黎氏餘匪匪船約有八九十隻竄往瓊南一路鄭一吳十一指匪船亦有六七十隻不等在惠潮一帶朱潰本係閩匪自上年竄入粵境匪船有四五十隻亦在閩粵之間遊奕其餘四散分劫者或三五隻或十餘隻在附近洋面飄蕩無定大小船隻總計有三百餘號分路行劫遇貨船搶劫後潛往各處銷贓遇米船劫爲食用近日附海各村多有勾通接濟之人亦間

有圖利愚民以該匪肯出重價竟有非其同類私
用小船賣米糧者至各口岸兵弁雖不能明指其
勾通然米糧私自出洋者甚多此類豈竟毫無見
聞事亦大有可疑容俟訪查明確再行嚴辦目今
捕盜舟師三路署提督魏大斌帶四十三號米艇
自大鵬營至電白一帶爲中路南澳鎮總兵杜魁
光帶米艇十一號署總兵林國良帶米艇十號外
搭配僱覓貨料船十四號自南澳至平海一帶爲
東路至西路祇有叅將何英帶十餘號米艇在瓊
南一路近有遭風損壞者所剩兵船不滿十隻查

魏大斌自上年十二月十六日帶船出海於正月十六日在沱寧洋面遇風撞損船隻駛進省河修整臣與之接見五六次問其海洋大概情形漫然不知又問其現在辦理何以不能得手並如何方可獲賊應添兵多少添船多少將備何人出力何人畏縮東西路何路打仗出力之處伊總模糊答應又令司道等前往公商亦不能說明情形而臣率同司道親至兵船撫勞兵丁踏看應修船隻順卽驗其礮火器械大半子不合堂藥多渣末其餘刀鎗長短不齊不能快利弓箭亦祇虛名至修造

船隻文員多不能用足十分工料而營員挑選過甚亦因之可以藉口此次現修現造之船臣親身率領司道眼同該署提督驗看令其指出一有不妥立即更換惟各營員總以船隻不多又不能堅固爲詞不肯出力捕盜而該船所緊要需用之礮火器械不知查問可見平日祇以多兵堅船爲自固之計而礮火器械置之不問並無殺賊之心提督所帶之船如此其他可知至魏大斌帶兵未見出力人亦糊塗提督統師於調遣布置全賴彼得力似此庸懦之才萬不可以勝任似應請

旨降調更換查現在米艇八十三隻可用者共五十七隻
其餘二十六隻年久朽壞難於修整前督臣倭什
布

奏造三十隻合計八十七隻分往各路仍未免見少自
當設法再爲趕造三十三隻共一百二十隻再於
朽廢二十六隻米艇內擇其可以修理者亟爲修
整多一船卽得一船之力均爲配足軍火糧餉分
爲東中西三路派委奮勇出力鎮將分帶果能有
功准臣秉公保奏破格超陞倘若仍前退縮勞師
糜餉臣據實嚴叅辦理以挽披靡陋習再向來師

船出海飄駛無定往往信息不能相通積年漫無稽考因得遂其畏避之計今設法於文員中間有從九品降旭昇花東苑二人情願告隨出海卽飭令該員等將師船開行灣泊處所無賊日行多少有賊日行多少并賊船遠近有無遇賊打仗逐日存記按十日一報而各口岸各州縣亦令其不時訪探賊踪與師船動靜隨時稟報倘有欺捏不符亦可查核惟海疆寥濶東西綿延三千餘里知名礮臺百有餘處此外港汊紛歧處處均可上下海內舟師大幫掃除追捕而岸口防守緝查更關緊

要現擬責成各文武地方官員以專其任令有海口各州縣責其訪緝奸商土匪接濟勾通勸諭約束各村團勇爲分巡分防而各州縣才具不齊費用不足交本府督率辦理相機通融籌畫爲督巡督緝至各道員事本簡少專責令在所屬境內不時來往巡查爲總巡總緝武職各海口礮臺換撥可靠千把大處或用都守修整器械稽察出入爲分巡分緝各鎮協大員常川巡邏稽查守臺兵弁如有不妥之人立即辦理更換仍嚴緝私自出入勾通接濟之人爲督防督緝至提督爲通省大員

帶印入海險涉風濤少有疎虞大體攸關更難住
手轉須大幫兵船爲其防護且運省水陸兵丁六
萬有餘祇有提督一缺應查應辦事件亦不宜廢
弛魏大斌旣不勝任而水師又不得人應請

旨或調或

簡無論水陸人員但須勇往精明可爲統率之人令其在
於陸路來往巡防亦可探訪賊蹤總持全局相機
調度布置爲總巡總緝臣仍另委妥信之人嚴密
訪查師船以捕獲大幫賊匪爲功曠日糜費爲罪
各地方以訪獲私通斷絕接濟爲功失察透漏爲

罪如此海陸巡察防緝文武併力或期於事有益

至於陸路內河各州縣地方近來土匪爛熈

土語
即匪

類

以及會匪往往潛煽會聚動即數百餘人肆其

搶掠

臣

抵粵未及一月已有兩案其餘潛滋暗長

者當不止此此實

臣

前次未多經見之事竟不圖

一變至此大約由於洋盜不靖奸民恃有遁逃之

所故敢肆行無忌然事不能保其必無總在留心

先事辦理亦應責成於本道府督辦本屬地面捕

務查各州縣往往顧及處分以致因循釀成大案

今請但能有事辦結不但懇

恩免其處分仍可加之鼓勵又若購線解囚各費入數既多所需亦不能少州縣愛惜小費貽誤事機亦所時有應責令本府於所屬州縣通融協濟一屬有事各屬幫辦亦以緝獲爛崽土匪會匪爲功若致釀成事端將道府一體嚴加治罪至於上年前任督臣倭什布撫臣孫玉庭清查通省倉庫虧缺七十六萬請限四年零一季全行彌補今查各州縣防守口岸緝捕土匪各事均須購線懸賞視事之大小所費不等彌補倉庫原爲要緊但限期過緊未免拮据亦係實情應請

旨展限至八年彌補全完各州縣必思感激

天恩諸事益加奮勉責以緝捕伊等亦無可藉口至

臣才

識本屬庸愚事既繁劇精神心力實有不暇日給

之慮現擬在舊有軍功廠內添派熟悉幹練文武

大員專司其事

臣

再與撫藩臬

臣

等虛衷商酌日

夕講求可期收集思廣益之效伏念

臣受

恩深重報稱無由惟有竭盡愚誠不惜心力事事恪遵

指示必可仰仗

皇上鴻福安靖地方克底有成惟積習既久事緒繁劇誠

如

聖諭不可過於急切轉致多事臣亦不敢因奉此

旨少有怠緩容俟臣等熟察情形隨時具奏謹

奏

嘉慶十年三月初九日軍機大臣字寄奉

上諭那彥成奏查明粵省情形籌酌大畧章程一摺據稱
探聞現在洋面盜船大小計有三百餘號而捕盜米艇
合計祇有八十七隻未免見少請設法趕造三十三隻
共一百二十隻均爲配定軍火糧餉分路派員出洋緝
捕等語著照所請辦理但此項米艇趕造齊全較之盜
船祇三分之一多寡仍屬懸殊卽再行製造多船而內

硃 硃

地奸匪與海盜信息相通緝捕仍屬無益那彥成惟當督飭地方營伍於陸路及各口岸地方嚴行訪緝如會匪土匪等使不得與洋匪勾通其銷贓賣米匪徒隨時查禁斷其接濟而兵弁尤當留心管束絕其通盜之路則盜源既靖海洋自可漸就肅清不可徒計船隻多寡

所謂兵在精而不在多

加意訓練

以海捕爲事也至署提督魏大斌據稱帶兵未見出力人亦糊塗請旨降調更換現在水師總兵內一時無堪勝任應用之人且簡員補放到粵後又恐不能得力仍著那彥成察看魏大斌如實不能勝任查有劣款卽行據實參奏並於該省總兵內擇其可任提督者遴保數

員奏請簡放又所稱從九品降旭昇花東苑告隨出海
卽飭令該員等將師船捕盜情形逐日存記按旬一報
等語此等微末之員本不足恃卽所報確實該二員亦
祇於配坐之一二船或能悉其大概其通幫兵船情形
安能一一周知所辦竟可不必至所奏該省倉庫虧缺
之項請展限彌補一節粵東現在辦理防緝事宜購線
懸賞在在需費著照所請展限緩至八年彌補完竣以
示體卹

嘉慶十年二月二十一日

奏爲訪獲結黨通洋匪徒事竊臣於正月二十二日抵

粵後據在省司道密稱據海豐縣知縣張再英稟稱風聞縣屬之梅壠地方有匪徒蔡亞堂楊亞練等邀結土匪勾通洋盜圖劫墟場業經密諭以不動聲色速訪查拏等情今據該縣稟稱查得該縣地方形勢洋匪搶劫梅壠必由東港新村兩處登岸卽會同鮎門汎把總張懷亮督率紳士林楷等設法堵禦適據義民首劉映辰等探得楊亞練楊徐生二名勾結洋匪之後由新村登岸潛回當卽擒獲送縣懲辦隨究出勾結洋匪鄭烏猪等約定於本月初二日放火爲號圖搶墟場舖戶等情時

值碣石鎮李漢升駐劄汕尾堵禦匪船卽時派委
弁兵分路先後擒獲首夥匪犯蔡亞堂等三十七
名刀械等物所有海邊匪船鄭烏豬等亦卽聞風
遠颺查該犯等勾結洋匪膽敢於

光天化日之下謀爲不法冀圖搶劫實堪切恨茲幸得仰
仗

皇上威福得以及早將首夥各犯擒獲多名未能滋擾現
在嚴飭速提來省審訊併飭拏案內逸犯務獲究
辦一面嚴飭地方文武悉心查察併傳諭以所辦
尙好下次再有訪獲再爲一併奏請

皇上施恩以後斷不可存因循避議之心更不可以貪功致增擾累仍飭將此案匪徒究擬定案另摺恭報
謹

奏

謹案嘉慶十年三月初九日廷寄內奉

上諭那彥成另摺所奏訪獲結黨通洋匪徒蔡亞堂等一案及殲擒龍門縣會匪關亞璫等一案計百餘現亦將次到粵著該督會同提省迅行確訊奏聞

嘉慶十年二月二十四日

奏團練一法本古人寓兵於農遺意兵之衛民恒不如

民之自衛現在勾結之禁既嚴接濟之奸浸少賊
匪日就窮蹙勢必伺隙撲岸焚掠村莊沿海一帶
港港相接路路可通礮臺塘汛僅能守禦一處不
能遍爲顧及馳報該管地方官及舟師等處又恐
緩不濟事臣等前經出示並通飭沿海各屬勸諭
紳耆於各村墟自爲團練以資捍禦其需用礮位
或將就近營縣小礮借撥或據該紳耆呈請自爲
捐價官鑄編號暫行借用俟事定後收回仍隨時
委員嚴密查察不使滋事並勿任官差稍有擾累
以期綏靖閭閻謹

奏奉

硃批覽

告示附

示爲勸諭沿海士民舉行團練以衛身家事照得
海洋盜賊窟藏島嶼出沒波濤厯爲邊患舊制因
奸民與賊勾通接濟將沿海數千里立界荒棄

聖祖仁皇帝俯念民艱特弛此禁百姓得以開墾居住百
數十年海境之上雞犬桑麻盡成樂土衣冠文物
無異名都本部堂撫茲豐盈之象彌殷保乂之懷
因念各營汛星羅碁布固足捍衛地方但地廣戍
稀兵之衛民恒不如民之自衛查團練一法本古
人寓兵於農遺意果能實力舉行則對宇望衡皆

成勁旅鳴鑼一響秉鋤荷耒之夫卽爲摩劒擁盾
之衆防守村莊最爲便嘗村莊中非一家一姓之
人則性情各異無用賞用刑之柄則號令不行必
須立定章程堅明約束其中讀書明理之紳衿公
正服衆之耆老尤須開導愚民使知本部堂晝夜
焦勞多方布置皆只爲爾閭閻試思賊情詭秘防
縱稍疎爾民廬舍爲賊所焚老弱爲賊所裹奔走
他離後悔何及若心中利害旣明白無不踴躍從
事且現在勾結之禁旣嚴接濟之奸浸少賊匪漸
次窮蹙則撲岸掠食搶劫村莊尤情事所必有沿

海一帶港港相接路路可通礮臺塘泚僅能自守
馳報大營未免緩不濟事不得不亟行開練用資
捍衛合行出示剴切曉諭爲此曉諭濱海州縣各
地方士民人等知悉爾等於沿海之數十里分出
段落先將某處共有幾村某村人戶若干某家壯
丁幾人開具清單無論紳衿及在官服役家有三
丁者總須一人入練人單不及數者許二三家朋
出一丁甲長卽充練頭小村合三數處大村則或
一二處設爲一團公舉紳士耆民殷實明幹者報
充正副團總專主約束設立號簿晝則派人偵探

夜則輪撥巡邏於扼要之處或捐設礮樓登高瞭望伏路把截各團預備號礮望有賊踪一礮傳信各村警備二礮賊踪已確團總督率練勇持械出村三礮賊匪將近分堵要隘一村有警各村救護一團遇敵各團堵截州縣印官不時親自下鄉查點試驗人數齊整者獎賞抗玩不行者責懲務使里黨互相聯絡首尾相應如常山之蛇果能齊心合力擒魁殺賊地方官據實稟報核其功之大小團總或

奏予職銜或旌以匾額共事出力之人賞給銀兩優示

鼓勵倘鄰村被劫坐視不救則團總練長皆有難
辭或因號礮不明則將卡勇責懲章程既定沿海
一帶卡倫嚴密聲勢雄壯到處均成金湯不至似
從前之荒棄亦可免異日之流離豈非爾邊民之
福各州縣於文到之日卽行遵照辦理不得視爲
具文一稟塞責本部堂卽日親巡海墘實心辦理
者據實保

奏因循貽悞者嚴行叅究信賞必罰决不稍爲寬貸各
宜凜遵毋違切切特示

示爲曉諭士商共切同仇掃除海氛事照得海洋

盜賊自外生成弄兵潢池神人共憤本部堂恭承
聖明指授方略命將選師期於滅此朝食日前賊匪竟敢
率其醜類駛駕大幫躡入內河本部堂當卽飛調
李叅將鄭都司左翼順德香山各師船並飭運司
僱募紅單船一百二十隻分派楊知府李通判蕭
經歷陸縣丞等帶領鄉勇由獅子洋等處會同水
師分道截剿連日以來據各路稟報均皆打沉賊
船擒拏賊匪送轅審辦在案因思海洋盜賊猖獗
至此總緣從前官府畏蕙姑息養癰貽患以致夥
黨日衆心膽日大洋患之成雖由來已久而本部

堂任重封疆悼茲蒼黔皆我赤子忍聽鯨鱷肆其
吞噬每念爾民屠戮之慘流離之苦輒爲對食忘
餐臨風揮淚誓與此賊不共覆載並於朔望之期
默以此心禱祝

神祇惟是

王師固甚雄勇而賊徒星散慮其東竄西逸或至顧此失
彼不能不望我士民齊心戮力共切同仇且兵之
衛民決不能如民之自衛官之愛民決不能如民
之自愛民間儘有尙義之人無奈地方官抑不報
聞卽間有殺賊之事又爲地方文武掩爲已功以

致義士灰心勇夫喪氣本部堂深念爾民之累害
並深知爾民之憤鬱合行出示剴切開諭爲此曉
諭紳耆人民並紅單漁蛋人等知悉賊旣如此擾
我百姓本部堂義與此賊勢不兩立除飛調各陸
路營兵嚴把港口分配大隊舟師由內河搜捕直
抵外洋兩等沿海沿河村莊紳耆務遵前劄速行
團練賊來便行堵截免致上岸滋擾其地方民人
並紅單漁蛋能隨同師船出洋勦捕亦卽量給口
糧分配子藥果能擒拏巨魁立卽奏予官階但有
斬絞賊匪亦卽優加獎賞共期滅賊決不失言爾

士民均宜體本部堂捍衛民生一片苦心熱腸不得觀望坐失事機切切毋違特示

示爲勸諭商民開濠築堡永資捍衛事照得易重設險之占傳重恃陋之戒李牧守邊先務收保湯和籌海徧設臺隍良以聚處方可共生而有備所以無患近日海濱口岸值有賊踪遊奕內應奸民故爲張大賊勢恐駭愚民往往一夫夜呼合市皆擾數匪突犯連村並驚賊得乘虛登岸據逃民之廩藏掩竄商之貨物從容搬運連船盈艙以致賊勢鴟張而民生日困如果民間有所憑依一應性

畜貨物均皆收藏有地遠近安堵什物相保形跡
可疑之人不許混處無事則各安生理有警而共
相堵禦處處壁壘賊匪自不能以深入卽深入而
野無可掠自然饑疲官兵趕至內外夾攻何難一
鼓成擒爾等有識士民亦知計慮及此特以保衛
地方必須挖濠築堡而村愚愛惜小費心多不齊
無肯直任怨勞不免互相觀望或未經官爲倡率
轉令不肖官吏藉以挾持誣賴不思此事貧富均
皆有益在富家貲財旣多賊來不能攜帶婦女老
弱跑走不及人貨固難兩全窮民雖無家財而麤

破器具亦要錢買且年壯力強賊匪定要擄當水
手此等遇賊情形十分狼狽詎可漫無防維坐受
流離之苦本部堂爲民父母痛癢相關刻刻爲爾
民籌思查濱海地多泥沙不能如西北之土性堅
凝直打堡城但依山可接石寨傍水卽有水圍築
城之法因墟集村莊之長短廣狹度其形勢周圍
開成陡濠廣二丈深一丈二尺土起內岸排插木
條作塹濠中積水通計土塹水濠高至二三丈賊
匪不能扒越堡門駕橋往來有警將橋撤去乘塹
堵禦塹濠係何人地基仍令徧栽竹木地險旣增

地利亦可無棄若饒裕村墟竟用大窰磚封砌圍牆約厚一尺高一丈二尺即可隔絕賊踪在富民不過於自己宅院之外再加一層牆垣而貧民向無牆垣者亦得有所屏蔽爾民共處村集非爲宗族卽係戚友富者多出貲財貧者勿惜力役衆擎原爲易舉只在倡率有人現如廣州之佛山新會之江門高州之梅菪雷州之赤坎順德之容桂陳村等鄉人烟稠密貲貨充裕均爲賊匪垂涎總宜未雨綢繆若經賊匪焚劫則悔之已晚前月內據惠潮道稟報陸豐縣紳士捐修甲子所城本部堂

當將該紳士等賞給匾額飭檔存記俟彙齊咨

奏優獎在案各口岸設有文武員弁者迅宜倣照鼓勵
紳士商民設法籌辦如未設有官弁則現在保舉
之紳耆既係地方所公舉自爲地方所服從保護
梓里尤屬義無容辭合行出示曉諭爲此通諭沿
海紳耆商民人等知悉爾等於要緊口岸設有文
武員弁者卽審地勢或挖濠塹或打圍牆稟請地
方官派選首人分別興工如未設有員弁該紳耆
亦卽於要緊地方當作濠堡者稟報首人設法籌
辦一面由地方官申報將來各工完竣本部堂定

當核其勞績之大小分別咨

奏優予議敘爾士民既可自衛身家亦可奮起功名均
宜踴躍從事俾沿海一帶永有金湯之固長享磐
石之安毋再觀望有負本部堂殷殷保衛之懷切
切毋違特示

示爲通飭曉諭協力緝捕事照得粵東一省環海
依山各屬州縣濱臨大洋港汊紛歧邇因萑苻未
靖匪船四出遊奕雖礮臺汎地碁布星羅舟師巡
船梭織遊緝然官兵之捍衛有常而賊船之窺伺
靡定現在本部堂整飭戎行捐造米艇添僱紅單

等船四路截拏兜擒夾擊此時釜底遊魂勢已萬
分窮蹙是以袁亞明陳五等八起悔過投首胡亞
發李宗會李福生等九起殺賊獻功指日洋面可
以肅清爾等民人諒亦共有聞見惟是向來盜匪
全恃岸匪勾通接濟米糧以資餬口近日各處口
岸稽查嚴密不能稍有透漏盜匪無以自養爭思
上岸擄掠沿海袤延數千里一時兵力勢難兼顧
不得不藉居民之團練共爲隄防之計但必須妥
議章程酌籌經費方可經久現據香山縣紳士鄭
敏達劉源滙等呈稱濱縣四面通海防範維艱因

集城鄉內外各處村鄉紳耆酌議籌備捕禦事宜
凡有田一畝者每月捐銀八釐經營伊始用度浩
繁合議欲收一年經費約有一萬餘兩卽將此項
銀兩爲通縣緊要隘口設立水柵礮墩礮卡器械
之用並僱用民船召募壯勇數百名以資捕禦其
一應隨時費用口糧查香邑各村香燈田畝約計
六千餘頃議照順德容桂兩鄉捐簽事例每田一
畝每年捐錢八十文主佃各出一半分上下兩造
交收四鄉禾稻成熟多出巡船防護俟盜匪平靜
卽行停止等情并開列防盜章程十條稟請批示

遵行前來本部堂覆加查核所辦妥協周詳可期
實效似此急公衛里實堪表式除已優加獎勵飭
令速卽照辦外因思沿海各州縣情形大略相同
均可仿照施行不過因地制宜稍加通變各紳耆
等踴躍向義亦到處皆然况捍衛桑梓卽所以保
護身家富者出資既無偏枯貧者出力亦稱報効
至舖戶人等買賣在彼尤非無業可比當宜共謀
保護卽此未雨之綢繆可無意外之滋擾亦何樂
而不爲爲此示諭沿海州縣紳耆士民人等知悉
現在盜氛未戢本部堂督同文武多方籌辦實心

勦捕不遺餘力若民間再能守望助衆志成城則戰守有備何難剋日掃除共樂

昇平已將香山紳士所議各條款抄發各州縣爾等如能照辦卽稟明地方官將章程成式悉心公議應增應減宜從宜違核實辦理仍由各州縣轉稟本部堂聽候優獎倘假公濟私藉名科派滋生事端抑或從中撓阻有意把持不特無功且將獲咎惟在爾等公舉紳耆公正素著之人經理其事庶於閭閻無累而於緝捕有益本部堂有深望焉各宜凜遵毋違特諭

那文毅公兩廣總督奏議卷十一

那文毅公兩

廣奏議

卷十一

完